



gazeTi gamodis  
1931 wl is 5 ianvridan

# ალიონი

საზოგადოებრივ-პოლიტიკური გაზეთი [www.alion.ge](http://www.alion.ge)

ყოველკვირეული გამოშვება  
ფასი 30 თეთრი

## შინაგან საქმეთა მინისტრმა ოზურგეთში საპატრულო პოლიციის ახალი შენობა გახსნა



შინაგან საქმეთა მინისტრმა ალექსანდრე ჭიკაძემ ქალაქ ოზურგეთში საპატრულო პოლიციის დეპარტამენტის გურიის საპატრულო პოლიციის მთავარი სამმართველოს ახალი შენობა გახსნა.

დღეიდან გურიის რეგიონს II საპატრულო ეკიპაჟი მოემსახურება – ქალაქ ოზურგეთსა და მის გარეუბნებს 6, ხოლო სამტრედია-ლანჩხუთი-გრიგოლეთის მაგისტრალზე, კერძოდ, სამტრედია-ოზურგეთის და სამტრედია-ჩაქვის მონაკვეთებზე – 5 ეკიპაჟი. აღსანიშნავია, რომ გურიის რეგიონს დღემდე აჭარის საპატრულო პოლიციის მთავარი სამმართველოს 4 ეკიპაჟი ემსახურებოდა. ოზურგეთში ახალი სამმართველოს გახსნა საპატრულო პოლიციას მილიანი რეგიონის მომსახურებაში შეუწყობს ხელს.

საპატრულო პოლიციის ორსართულიანი, ახალი შენობა თანამედროვე ავეჯითა და ტექნიკითაა აღჭურვილი. ახალ შენობაში საპატრულო პოლიციის საგამომიებო სამსახური, ადმინისტრაციული საქმისწარმოების განყოფილება, სამართალდარღვევათა და ანალიზის ჯგუფი და სხვა სამსახურები განთავსდა.

ადგილობრივი ხელისუფლებიდან გახსნის ცერემონიალს, მხოლოდ გურიის გუბერნატორის პირველი მოადგილე მერაბ ჭანუყვაძე ესწრებოდა.

იმავე დღეს დაბა ურეკში დაცვის პოლიციის ოპერატიული რეაგირების

ჯგუფისთვის განკუთვნილი ახალი შენობა გაიხსნა. თანამედროვე სტანდარტების და უახლესი ტექნიკური საშუალებებით აღჭურვილი შენობა შინაგან საქმეთა მინისტრმა ალექსანდრე ჭიკაძემ და შსს-ს სსიპ დაცვის პოლიციის დეპარტამენტის თავმჯდომარე გურამ ტომარაძემ გახსნეს.

2007 წლიდან გრიგოლეთის, ურეკის და შეკვეთილის მოსახლეობას სამეგრელო-ზემო სვანეთის რეგიონალური სამმართველოს დაცვის პოლიციის ოპერატიული რეაგირების ჯგუფი ემსახურება. დაბა ურეკში დაცვის პოლიციის ოპერატიული რეაგირების ჯგუფისთვის განკუთვნილი ახალი შენობა სამართალდამცველების სწრაფ მოქმედებას და ეფექტურობას გააუმჯობესებს.

ამ ეტაპზე აღნიშნულ ტურისტულ ზონაში დაცვის პოლიციის ტექნიკური საშუალებებით დაცულია 50-მდე ავარაკი, სავაჭრო ობიექტი და სასტუმრო. ტურისტული სეზონის დაწყებისთვის დაცვის პოლიცია დაცული ობიექტების რაოდენობის ზრდას ელოდება, რასაც ახალი შენობით, ახალი ოპერატიული ავტომობილით, თანამშრომელთა განახლებული უნიფორმებით და ტექნიკური აღჭურვილობით ხვდება. შავი ზღვისპირა რეგიონში, ურეკის გარდა, აჭარის რეგიონულ სამმართველოს 5 ერთეული ახალი ავტომობილი „შკოდა ოქტავია“ გადაეცა.



## „ჩვენი ღრის გმირნი ანუ ნაცმოღვივებულნი პროდუქტები ოზურგეთისთვის!“

ოზურგეთის დემოკრატიული ჩართულობის ცენტრში საქართველოს რესპუბლიკური პარტიის ოზურგეთის ორგანიზაციის თავმჯდომარე მარინა სუნუღლიამ პარტიის დატოვების შემსახებ ჟურნალისტებთან განცხადება გააკეთა.

ქ. ოზურგეთის მერობის კანდიდატი „ქართული ოცნებიდან“ ბეგლარ სიორიძე სუნუღლიას განცხადებაზე კომენტარს არ აკეთებს.



გვ-2

## შოთა გოგიბერიძე ქ. ოზურგეთის მერობისათვის ბრძოლას აგრძელებს



როგორც ცნობილია, „ქართული ოცნებიდან“ ქ. ოზურგეთის მერობის კანდიდატად ბიზნესმენი ბეგლარ სიორიძე დასახელდა. თუმცა ვრცელდება ხმები, რომ მერობისათვის ბრძოლას „ეროვნული ფორუმის“ ადგილობრივი ლიდერი შოთა გოგიბერიძეც აგრძელებს. ამ ინფორმაციის დასაზუსტებლად მას ვესაუბრეთ.

–ჩვენს ხელთ არსებული ინფორმაციით, მიუხე-

დავად კოალიციის მიერ მიღებული გადაწყვეტილებებისა, თქვენ აპირებთ მინც იყაროთ კენჭი ქ. ოზურგეთის მერობის კანდიდატად...

– ჩემი განწყობა კვლავ საბრძოლოა. მე, იმ ადამიანმა, რომელმაც 2011 წლიდან „ქართული ოცნებისა“ და ბიძინა ივანიშვილის სახელით ვებრძოდი უსამართლობას, იმედს ვაძლევდი ოზურგეთელ ამომრჩევლებს, ავიღე უამრავი ვალდებულება ოზურგეთის მოსახლეობის წინაშე. კოალიციის გადაწყვეტილების გამო, არ მეძლევა ბერკეტი, ჩემს გუნდთან ერთად დავიწყო ამ დაპირებების რეალიზება.

მე ვაკეთებ ყველაფერს და უკვე მიმდინარეობს შესაბამისი კონსულტაციები სხვადასხვა პოლიტიკურ პარტიებთან და გაერთიანებებთან, რათა არსებული საარჩევნო კანონის შესაბამისად მოხდეს ჩემი დარეგისტრირება ქ. ოზურგეთის მერობის კანდიდატად, რაც ძალიან მალე დასრულდება. სავარაუდოდ რამდენიმე დღეში ამის შესახებ ცნობილი გახდება. მე აუცილებლად ჩავატარებ საინფორმაციო ღონისძიებას ბრიფინგს ან პრესკონფერენციას და მიღებული გადაწყვეტილების შესახებ ყველა ოზურგეთელი იქნება ინფორმირებული.

## გასულ კვირაში ქ. ოზურგეთში ორი საბავშვო ბავშვი გაიხსნა

გასულ კვირაში მუშაობა განახლდა კაპიტალურად გარემონტებულ ანასულის და ქ. ოზურგეთის №1 საბავშვო ბაღებში. ორთავე ბაღში სარემონტო სამუშაოები ინფრასტრუქტურული პროექტების ფარგლებში შესრულდა. გარდა სარემონტო სამუშაოებისა, აღნიშნულ ბაღებს გადაეცათ ახალი ინვენტარი.

ქ. ოზურგეთის №1 საბავშვო ბაღის აღსაზრდელები სპეციალური პროგრამით შეხვდნენ სტუმრებს, მუნიციპალიტეტის ხელმძღვანელებს.

მუნიციპალიტეტის გამგებლის კონსტანტინე შარაშენიძის თქმით, მუნიციპალიტეტისთვის ერთ-ერთ მთავარ პრიორიტეტს საბავშვო ბაღების თანამედროვე სტანდარტების დონეზე გადაყვანა წარმოადგენს. ამის მაგალითია ეს ბაღებიც. ბავშვს ყველაფერი უნდა ჰქონდეს.

ანასულის ბაღში ამჟამად ორი ჯგუფი მუშაობს, ხოლო ქ. ოზურგეთის №1 საბავშვო ბაღში ექვსი. კონსტანტინე შარაშენიძემ ისიც განაცხადა, რომ



უახლეს დღეებში ქ. ოზურგეთში კიდევ ერთი გარემონტებული საბავშვო ბაღი შევა ექსპლუატაციაში. ქალქის ორთავე ბაღს კეთილმოწყობილი ეზოებიც ექნებათ.

## 7 დღის ამინდის პროგნოზი

მზე +18+29 5 მაისი ორშაბათი	მზე, +14+25 6 მაისი სამშაბათი	მზე, ღრუბალო +16+21 7 მაისი ოთხშაბათი	მზე, ღრუბალო +20+27 8 მაისი ხუთშაბათი	მზე, ღრუბალო +19+30 9 მაისი პარასკევი	წვიმა +15+22 10 მაისი შაბათი	წვიმა +15+22 11 მაისი კვირა
--------------------------------------	--	---	---	---	---------------------------------------	--------------------------------------



# „ჩვენი დროის გმირნი ანუ ნაცემოდვიცირებული პროდუქტები ოზურბეთისთვის!“

ადგილობრივი თვითმმართველობის არჩევნების წინ კოალიცია „ქართული ოცნებიდან“, წარსადგენი მაჟორიტარების, მერების და გამგებლების კანდიდატურების შერჩევისას კონსულტაციებისა და გადაწყვეტილებების მიღების ცენტრად თბილისი იქცა. კოალიციაში შემავალი პარტიების ლიდერებს არ მიეცათ შესაძლებლობა ურთიერთკონსულტაციების საფუძველზე, კონსენსუსის გზით, თავად მიეღოთ გადაწყვეტილებები და შეეჯერებინათ კანდიდატები მათი პოლიტიკური წინის, წარსულის, კვალიფიკაციისა და უნარჩვევების გათვალისწინებით. მათ მაგიერ თბილისში გადაწყვეტილებებს იღებდნენ ადამიანები, რომელთაც არა სრული, არასათანადო ინფორმაცია ჰქონდათ თითოეულ კანდიდატზე. მეტიც ამ დროს მავანს უნდებოდა შანსი პარტიების ადგილობრივი წარმომადგენლების გვერდის ავლით, ცენტრში მოეპოვებინა მხარდაჭერა. ეს ყველაფერი თავიდანვე უშედეგად შეცდომებისა და შედეგად, მომავალში დაპირისპირებების წარმოშობის ალბათობას. ეს იყო არასწორი, არაჯანსაღი ტექნოლოგია, რომელიც მოიტანდა ასევე არაჯანსაღ და არასწორ შედეგებს. მითუმეტეს, როცა ეს ხდება ადგილობრივი თვითმმართველობის რეფორმის დაწყების გაპირების ფონზე, რომლის მთავარი ამოცანა სწორედ ადგილობრივი მნიშვნელობის საკითხების ადგილზე გადაწყვეტა, ადგილობრივი პოლიტიკის ჩამოყალიბება, მათთვის მეტი უფლებების მინიჭება, მოვალეობებისა და პასუხისმგებლობის დაკისრებაა. ეს მითხოვნები და საკრებულოებში, მერებად და გამგებლებად კანდიდატთა შერჩევისას ცენტრის მიერ ზედმეტი უფლებების მითვისება ორი ურთიერთსაწინააღმდეგო მომენტია. ვთვლით, რომ ჩვენ

ამ წესის წინააღმდეგ უნდა გვებრძოლა და არ დაგვეშვა თავსმოხვეული, არასასურველი რეალობა. ეს იყო ჩვენი პრინციპული პოზიცია. შევეცადეთ კიდევ, თუმცა ვერ მოვახერხეთ, რაც გახდა „რესპუბლიკური პარტიიდან“ წლების განმავლობაში რაიონული ორგანიზაციის კომპიტეტის თავმჯდომარის ტიფო მიქაბაძის წასვლის ერთ-ერთი მთავარი მიზეზი. სამწუხაროდ, ის მართალი აღმოჩნდა! პარტიის სხვა წევრები ჯერ კიდევ ვინარჩუნდებდით იმედს, რომ შევძლებდით დაწყებული „პოლიტიკური ვაკუუმიდან“ უკეთესი სურათის მიღებას. ნაწილობრივ ეს მოხერხდა კიდევ ჩვენი ხმაურის შედეგად - კოალიციის ამჟამად დამტკიცებული მაჟორიტარების სია გაცილებით უკეთესია, ვიდრე ეს იყო პირველადი კონსულტაციებისას, სადაც მოჭარბებულად იყვნენ „ნაციონალიზმი მოძრაობის“ აქტივისტები. თუმცა არასასიამოვნო სიურპრიზი გველოდა ქოზურბეთის მერის შერჩევის შედეგად. მიუხედავად იმისა, რომ შერევიანობით კოალიციაში მიღებულ წესს, მერებისა და გამგებლების პარტია „ქართული ოცნება-დემოკრატიული საქართველოს“ მიერ სრულად დაკომპლექტების შესახებ, პროტესტი არ გამოვკითქვამს - იმედი გვქონდა, რომ ეს პარტია ოზურბეთის მერობის კანდიდატად დაასახელებდა პირველად, რომელსაც არ ექნებოდა „ნაციონალური“ წარსული, პირიქით, გამორჩეული იქნებოდა ბოლო წლებში არსებული რეჟიმის წინააღმდეგ პრინციპულად განსხვავებული პოზიციების საჯარო გამოხატვით, გამორჩეული თავისი წესიერებით, ზნეობითა და უნარჩვევებით. ამ შემთხვევაში შევძლებდით თანამშრომლობას და საიმედოებით ავიღებდით მასთან ერთად პასუხისმგებლობას ქალაქის

ბელზე. სამწუხაროდ მივიღეთ რადიკალურად განსხვავებული რეალობა. კოალიცია „ქართულმა ოცნებამ“ ქ. ოზურბეთის მერობის კანდიდატად დაასახელა ბეგი სიორიძე. გარდა იმისა, რომ იგი ვერ აკმაყოფილებს ჩვენს მიერ ზემოთ ჩამოთვლილ ვერცერთ კრიტერიუმს, აქვს კიდევ ერთი სერიოზული ნეგატივი - მისი წარდგინებით საქმე გვაქვს რაიონში პოლიტიკურ მოედანზე გადაწყვეტილების მიმღებთა ჯერჯერობით არაფორმალური ჯგუფის, მოთამაშის ჩამოყალიბების პროცესთან კოალიციაში შემავალი პარტიული სუბექტების მაქსიმალურად შევიწროებისა და „მოედნიდან გაძევების“ ფონზე. საგანგაშოა ის, რომ ამ ჯგუფთან ასოცირდებიან ადამიანები, რომლებიც წლების განმავლობაში „მოქალაქეთა კავშირიდან“ დღემდე იყვნენ ადგილობრივი „თაბაგრები“ და ყველა იმ უმსგავსოებათა ავტორები, რაც ვითარდებოდა ჩვენს ირგვლივ. ისინი დღეს უკვე „ქართული ოცნების“ სახელითა და ხელდასმით ცდილობენ მოიპოვონ ლეგიტიმაცია და კვლავ შეზღუდონ, ხელი შეუშალონ საზოგადოების, მოქალაქეთა სხვა ჯგუფების ჩართულობასა და მონაწილეობას გადაწყვეტილების მიღების პროცესში. ყოველივე ეს ეწინააღმდეგება იმას, რისთვისაც თავის დროზე მოვედი პოლიტიკაში, რასაც ვემსახურებოდი - მეტ დემოკრატიას, მეტ განხილობას, მეტ ჩართულობას, არა კლანურობას და ერთი ჯგუფის მმართველობის დამკვიდრებას. მიუხედავად იმისა, რომ კოალიცია „ქართული ოცნების“ აქტივისტთა უდიდესი ნაწილი, პარტიის ადგილობრივი ლიდერებიც ჩემსავით ფიქრობენ, სამწუხაროდ ისინი ჯერჯერობით ვერ ახერხებენ საჯაროდ საკუთარი შეხედულებების დაფიქსირებას.

სიჩუმისა და შეგუებლობის პოზიციიდან არ ვიქნები მართალი საკუთარ თავთან, ვერ დავფარავ სათქმელს, თუნდაც იმის გათვალისწინებით, რომ იქნებ, თავიდან ავიცილოთ თანამდევნი, მოსალოდნელი შედეგები. გული მწყდება, რომ რესპუბლიკური პარტია ვერ, ან არ შეეწინააღმდეგა გადაწყვეტილებების მიღების ამ წესს და წარმოადგენდა კანდიდატურას, ვერ ან არ შეძლო პრინციპული პოზიციებისა და ჩვენი ინტერესების დაცვა. თუ რატომ, ამაზე ჩემი მოსაზრებები მაქვს, თუმცა ამჟამად ეს არ არის საუბრის თემა. ფაქტია, რომ ჩვენი ხედვები, დამოკიდებულებები გაიყო და მე იძულებული ვარ დავემშვიდობო პარტიას. მე ვერ დავუჭერ მხარს ბეგი სიორიძეს. როგორც რიგითი მოქალაქე, დაველოდები ოზურბეთის საზოგადოების დამოკიდებულებას მის მიმართ. საინტერესოა, ოზურბეთი, რომელმაც ბოლო ორი არჩევნებისას უჩვენა დემოკრატიულობის ყველაზე მაღალი ხარისხი და „ანტინაციონალური“, „ანტიმიშისტური“ შედეგი, მიიღებს თუ არა ამჟამად, ქართული ოცნებით“ შეფუთულ „ნაციონალურ“ პროდუქტს. ბედნიერი ვიქნები თუ კვლავ მომეცება შესაძლებლობა დავინახო ჩემი ქალაქის სიფხიზლე, სიჯანსაღე და მოთხოვნილება დემოკრატიასზე. –

**ბაჭყალი „ალიონი“ „ქართული ოცნებიდან“ ქ. ოზურბეთის მერობის კანდიდატს ბეგი სიორიძეს დაუპაპშირდა, რომელმაც გვითხრა, რომ მარინა სუბეშვილას აბსურდულ ბამონათქავეზე კომენტარს არ ბაკმიბს.**

## ოზურბეთის მუნიციპალიტეტის 2013 წლის ბიუჯეტის შესრულების წლიური ანგარიში

„ადგილობრივი თვითმმართველობის შესახებ“ საქართველოს ორგანული კანონის 22-ე მუხლის პირველი პუნქტის „კ“ ქვეპუნქტისა და „საქართველოს საბიუჯეტო კოდექსი“-ს 78-ე მუხლის მე-2-ე ნაწილის თანახმად ოზურბეთის მუნიციპალიტეტის საკრებულოს 2012 წლის 27 დეკემბრის 40 დადგენილებით ოზურბეთის მუნიციპალიტეტის 2013 წლის ბიუჯეტი განისაზღვრა 10000,0 ათ.ლარით.

- 1 იანვრის მდგომარეობით, ბიუჯეტში განხორციელდა 8 ცვლილება:
  1. ოზურბეთის მუნიციპალიტეტის საკრებულოს 2013 წლის 30 იანვრის 1 დადგენილებით დამტკიცებული ბიუჯეტი გაიზარდა 412,3 ათ.ლარით (2013 წლის 1 იანვრისათვის ნაშთის შემოსულობებში ასახვა) და შეადგინა 10412,3 ათ.ლარი.
  2. ოზურბეთის მუნიციპალიტეტის საკრებულოს 2013 წლის 28 მარტის 8 დადგენილებით ბიუჯეტში არსებული რეზერვები შემცირდა 450,0 ათ.ლარით, მ/შ
    - ა) სარეზერვო ფონდი 150,0 ათ.ლარით
    - ბ) ინფრასტრუქტურის მშენებლობა-რეაბილიტაცია და მოვლა-შენახვა 65,0 ათ.ლარით
    - გ) კულტურა, რელიგია ახალგაზრდული და სპორტული ღონისძიებები 85,0 ათ.ლარით
    - დ) მოსახლეობის სოციალური უზრუნველყოფა, სტიქიური მოვლენების შედეგად და მძიმე საცხოვრებელ პირობებში მყოფი ოჯახების დახმარების პროგრამა 150,0 ათ.ლარით.
 გამოთავისუფლებული თანხა 450,0 ათ.ლარი გადატანილი იქნა სტიქიის შედეგების სალიკვიდაციო ღონისძიებების დასაფინანსებლად.
  - 2013 წლის 1 აპრილის მდგომარეობით ოზურბეთის მუნიციპალიტეტის ბიუჯეტი განისაზღვრა 10412,3 ათ.ლარით.
  - 3, ოზურბეთის მუნიციპალიტეტის საკრებულოს 2013 წლის 11 აპრილის №9 დადგენილებით ბიუჯეტი გაიზარდა 420,9 ათ.ლარით, მათ შორის საქართველოს მთავრობის 28 მარტის №298 განკარგულებით 194,4 ათ.ლარი და 4 აპრილის №311 განკარგულებით 226,5 ათ.ლარი მიღებული ტრანსფერიდან დაფინანსდეს ინფრასტრუქტურული სამუშაოები.
  - 4, ოზურბეთის მუნიციპალიტეტის საკრებულოს 2013 წლის 22 აპრილის №10 დადგენილებით ბიუჯეტი გაიზარდა 825,0 ათ.ლარით, მ/შ:
    - 1) საქართველოს მთავრობის 2013 წლის 18 აპრილის №321 განკარგულებით „სტიქიის შედეგების სალიკვიდაციო საქართველოს რეგიონებში განსახორციელებელი პროექტების ფონდიდან თანხის გამოყოფის შესახებ“ ოზურბეთის მუნიციპალიტეტს გამოეყო 450,0 ათ.ლარი.
    - 2) აჭარის ავტონომიური რესპუბლიკის მთავრობის 2012 წლის 26 დეკემბრის №221 განკარგულებისა და აჭარის ავტონომიური რესპუბლიკის მთავრობის 2013 წლის 7 მარტის №59 განკარგულების შესაბამისად ოზურბეთის მუნიციპალიტეტს გამოეყო 375,0 ათ.ლარი, მეციტრუსეობის დარგში დასაქმებული მოსახლეობის სოციალური მდგომარეობის გაუმჯობესების ხელშეწყობისათვის.
    - 5, ოზურბეთის მუნიციპალიტეტის საკრებულოს 24 ივნისის №16 დადგენილებით ბიუჯეტი გაიზარდა 1384,5 ათ.ლარით, აღნიშნული ტრანსფერიდან დაფინანსდება სოფლის მხარდაჭერის პროგრამა.
    - 6, ოზურბეთის მუნიციპალიტეტის საკრებულოს 26 აგვისტოს №21 დადგენილებით ბიუჯეტი გაიზარდა 10770,8 ათ.ლარით, მათ შორის:
      - ა) საქართველოს მთავრობის 2013 წლის 22 აგვისტოს №1105 განკარგულებით „საქართველოს რეგიონებში განსახორციელებელი პროექტების ფონდიდან ადგილობრივი თვითმმართველი ერთეულებისათვის თანხის გამოყოფის შესახებ“ ოზურბეთის მუნიციპალიტეტს გამოეყო - 9494,8 ათ.ლარი.

- ბ) საქართველოს მთავრობის 2013 წლის 15 აგვისტოს №1052 განკარგულებით „საქართველოს რეგიონებში განსახორციელებელი პროექტების ფონდიდან ადგილობრივი თვითმმართველი ერთეულებისათვის თანხის გამოყოფის შესახებ“ ოზურბეთის მუნიციპალიტეტს გამოეყო - 1174,4 ათ.ლარი.
  - გ) საქართველოს მთავრობის 2013 წლის 21 აგვისტოს №1099 განკარგულებით „საქართველოს რეგიონებში განსახორციელებელი პროექტების ფონდიდან ადგილობრივი თვითმმართველი ერთეულებისათვის თანხის გამოყოფის შესახებ“ ოზურბეთის მუნიციპალიტეტს გამოეყო - 96,6 ათ.ლარი.
  - აღნიშნულიდან დაფინანსდეს:
    - ა) გაიზარდოს სტიქიის შედეგების სალიკვიდაციო ღონისძიებების დაფინანსება 1179,4 ათ.ლარით.
    - ბ) გაიზარდოს სკოლამდელი განთლების დაფინანსება (საქართველოს ორგანულ კანონში განხორციელებული ცვლილებების შედეგად, რომლის მიხედვითაც გაუქმდა თვითმმართველი ერთეულის ტერიტორიაზე არსებული საჯარო სკოლამდელი აღზრდის დაწესებულებებში გადასახადის ტარიფის ან სხვა საფასურის შემოღების სასწავლო - აღმზრდელი მომსახურებისა და კვებითი მომსახურებისათვის) - 96,6 ათ.ლარი.
  7. ოზურბეთის მუნიციპალიტეტის საკრებულოს 20 ნოემბრის №25 დადგენილებით ბიუჯეტი გაიზარდა 4076,2 ათ.ლარით, მათ შორის:
    - ა) საქართველოს მთავრობის 2013 წლის 6 სექტემბრის №1235 განკარგულებით „სტიქიის შედეგების სალიკვიდაციო ღონისძიებების განხორციელებისათვის“ ოზურბეთის მუნიციპალიტეტს გამოეყო - 2276,2 ათ.ლარი.
    - ბ) საქართველოს მთავრობის 2013 წლის 30 ოქტომბრის №1499 განკარგულებით „სტიქიის შედეგების სალიკვიდაციო ღონისძიებების განხორციელებისათვის“ ოზურბეთის მუნიციპალიტეტს გამოეყო - 1800,0 ათ.ლარი.
    8. ოზურბეთის მუნიციპალიტეტის საკრებულოს 25 დეკემბრის №26 დადგენილებით ბიუჯეტი გაიზარდა 133,0 ათ.ლარით, მათ შორის შემოსავლის ნაწილი:
      - ა) მოსაკრებელი ბუნებრივი რესურსებით სარგებლობისათვის - 101,0 ათ.ლარი
      - ბ) ჯარიმები, სანქციები და საურავები - 23,0 ათ.ლარი
- აღნიშნული თანხით დაფინანსდება გაიზარდა:
- ა) ა(ა)ი.პ. სერვისცენტრი - 101,0 ათ.ლარით
  - ბ) ა(ა)ი.პ. საფეხბურთო კლუბი „მერცხალი“ - 22,0 ათ.ლარით
  - გ) შ.პ.ს. საცენოსნო კლუბი მარულა - 6,0 ათ.ლარით
  - დ) ა(ა) ი.პ. სოფლის მეურნეობის განვითარების ცენტრი - 2,2 ათ.ლარით
- წლის განმავლობაში ბიუჯეტში განხორციელებული ცვლილებებისა და დამატებების შედეგად 2013 წლის ბიუჯეტი განისაზღვრა 28 022,5 ათ.ლარით:
- 1) გადასახადები - 1828,7 ათ.ლარი
  - 2) ტრანსფერი - 24 759,7 ათ.ლარი
  - 3) სხვა შემოსავლები - 921,8 ათ.ლარი
  - 4) არაფინანსური აქტივების კლება - 100,0 ათ.ლარი
  - 5) შემოსავალი ნაშთიდან - 412,3 ათ.ლარი.

# მესამე საბაგაფხულო გამოფენა გურიაში

ნიკო ნიკოლაიშვილი



გამოფენის მნიშვნელობაზე ისაუბრეს ხელოვნებათმცოდნე ლია ურუშაძემ, მხატვრებმა ავთანდილ თავართქილაძემ, მზია კვინიტრაძემ, თამაზ დარჩიამ, კულტურის სამსახურის უფროსმა მაია თანდილაშვილმა

ეს გამოფენა იმითაცაა მნიშვნელოვანი, რომ სამი მხატვრის, ხათუნა ხუბულავას, თორი წიფიფიას და ზაზა ჭანიშვილის დებიუტი შედგა, - აღნიშნა ლია ურუშაძემ. ასევე წარმოდგენილი იყო გარდაცვლილი მხატვრის ჯემალ მიმინოშვილის ნამუშევრები, რისი იდეაც თამაზ დარჩიას ეკუთვნის. აღინიშნა, რომ გარდაცვლილ მხატვართა ხსოვნის პატივსაცემად, ყოველ გამოფენაზე იქნება წარმოდგენილი თითო გარდაცვლილი მხატვრის ნამუშევრები. გამოფენა კიდევ რამდენიმე დღეს გასტანს.

ოზურგეთის თანამედროვე სახვითი ხელოვნების ცენტრ - სურათების გალერეის დარბაზმა გურიის რეგიონის მხატვართა შემოქმედებითი კავშირის (თავმჯდომარე თამაზ დარჩია) ორგანიზებით გამართულ მესამე საბაგაფხულო გამოფენას უმასპინძლა. გამოფენაზე წარმოდგენილი იყო გურიის რეგიონის 31 მხატვრის ჟანრობრივად და თემატურად მრავალფეროვანი ნამუშევრები: ფერწერა, გრაფიკა, ქანდაკება, თექვა, თაფლის სანთელი... საზოგადოება მხატვართა იმ სულიერი ხედვის მხილველი გახდა, რაც ამ უახლოეს პერიოდში შეიქმნა და მათ შემოქმედებას შეემატა. ნამუშევრების დიდი ნაწილი ბიბლიური და სააღდგომო თემატიკითაა გაჯერებული. უფროს მხატვრებთან ერთად გამოფენაში მონაწილეობდა ახალგაზრდა მხატვარი ნინო გორდელაძე.



## გაგმთ „ალიონს“ სურსათის ეროვნული სააგენტო პასუხობს:

სოციალური ქსელებით გავრცელებული იყო ინფორმაცია რეგიონში ბრუცელოზის გავრცელების შესახებ. მოქალაქეები რეაქციას ატყობინებდნენ, თუ რომელ უბნებში იყო უფრო მძიმე მდგომარეობა და ასევე მათ წუხილს, ქ. ოზურგეთში ყველის და რძის სხვა პროდუქტებით გარეგანგებობის შესახებ, რაც საფრთხეს უქმნის ადამიანის ჯანმრთელობას.

გაზეთმა დასახელებულ თემებზე სურსათის ეროვნული სააგენტოს წარმომადგენლობას მიმართა.

“თქვენი წერილის პასუხად გაცნობებთ, რომ სურსათის ეროვნული სააგენტოს ინფორმაციით, 2013 წელს გურიის რეგიონში დაფიქსირდა ბრუცელოზის 21 შემთხვევა. ვეტერინარულ-სანიტარული წესების

მიხედვით, ბრუცელოზის გამოვლენის შემთხვევაში ცხოველი ექვემდებარება დაკვლას. შესაბამისად, დაავადებული ცხოველი დაიკლა, დამუშავდა ყველა სადგომი და მიმდებარე ტერიტორია სპეციალური სადეზინფექციო ხსნარით, კორსოლინ ფფ“-ით. ადგილი ჰქონდა დაავადებების გამოვლენას სოფლებში: ნაგომარი, ნატანები, სურები, ნიგეზიანი.

2014 წელს დაფიქსირდა დაავადების 9 შემთხვევა. დაიკლა ყველა დაავადებული ცხოველი, დამუშავდა სადგომი და მიმდებარე ტერიტორია. დაავადება გამოვლინდა ვაკიჯვარში, ნატანებში, სურებში.

პროფილაქტიკის მიზნით, სურსათის



### შ ე მ ო ს უ ლ ო ბ ა მ ბ ი

ოზურგეთის მუნიციპალიტეტის 2013 წლის ბიუჯეტის შემოსულობებმა შეადგინა 27 223,5 ათ.ლარი, წლიური გეგმის 97,1%-ი (წლიური დაზუსტებული გეგმა 28 022,5 ათ.ლარი, (იხ.დანართი №2)

შემოსავლების წლიური გეგმა ტრანსფერის გარეშე შესრულებულია 101,3 %-ით (გეგმა 2850,5 ათ.ლარი, შესრულება 2887,5 ათ.ლარი), მათ შორის

- საწარმოთა ქონების (გარდა მიწისა) გადასახადის გეგმა 89,5 %-ით ( წლიური გეგმა 919,0 ათ.ლარი შესრულება 822,8 ათ.ლარი)

- ფიზიკურ პირთა ქონების გადასახადი 113,5% (გეგმა 81,0 ათ.ლარი შესრულება 92,0 ათ.ლარი)

- სასოფლო-სამეურნეო დანიშნულების მიწაზე ქონების გადასახადი 179,7 %-ით.(წლიური გეგმა 114,0 ათ.ლარი შესრულება 204,9 ათ.ლარი)

- არასასოფლო-სამეურნეო დანიშნულების მიწაზე ქონების გადასახადი 89,0 %-ით.(წლიური გეგმა 714,7 ათ.ლარი შესრულება 636,5 ათ.ლარი)

- მოსაკრებელი ბუნებრივი რესურსებით სარგებლობის მოსაკრებლის გეგმა შესრულებულია 120,0 %-ით( წლიური გეგმა 240,0 ათ.ლარი, შესრულება 269,0 ათ.ლარი)

- შემოსავლი მიწის იჯაროდან და მართვაში (უზურფრუქტი ქირავნობა და სხვა) გადაცემიდან 93,8 %-ით( წლიური გეგმა 60,0 ათ.ლარი, შესრულება 56,3 ათ.ლარი)

- სათამაშო ბიზნესის მოსაკრებლის გეგმა შესრულებულია 67,5 %-ით (წლიური გეგმა 200,0 ათ.ლარი, შესრულება 135,0 ათ.ლარი)

- მოსაკრებელი მშენებლობის დაწყების ნებართვისათვის 190,0 %-ით (გეგმა 15,0 ათ.ლარი შესრულება 28,5 ათ.ლარი)

- მოსაკრებელი მოსახლეობის ტერიტორიის დასუფთავებისათვის 134,7 %-ით(გეგმა 90,0 ათ.ლარი შესრულება 121,3 ათ.ლარი)

- სხვა არასაგადასახადო შემოსავლებიდან 308,0 %-ით (გეგმა 15,0 ათ.ლარი შესრულება 46,2 ათ.ლარი)

- შემოსავალი ჯარიმებიდან, სანქციებიდან და საურავებიდან 134,2 %-ით (წლიური გეგმა 223,0 ათ.ლარი, შესრულება 299,3 ათ.ლარი)

- არაფინანსური აქტივების გაყიდვიდან 62,0 %-ით (წლიური გეგმა 100,0 ათ.ლარი, შესრულება 62,0 ათ.ლარი)

- დეპოზიტებზე და ანგარიშებზე დარიცხული პროცენტები 124,5 %-ით ( წლის გეგმა 78,8 ათ.ლარი, შესრულება 98,1 ათ.ლარი)

2013 წლის განმავლობაში მიღებულია ფინანსური დახმარება (ტრანსფერი) 23 923,7 ათ.ლარი, მათ შორის:

ა) გათანაბრებითი ტრანსფერი - 7057,5 ათ.ლარი

ბ) მიზნობრივი ტრანსფერი - 225,0 ათ.ლარი

გ) ფონდებიდან გამოყოფილი ტრანსფერი - 14916,3 ათ.ლარი

დ) აჭარის ავტონომიური რესპუბლიკის ბიუჯეტიდან გამოყოფილი ტრანსფერი - 1725,0 ათ.ლარი

### გ ა დ ა ს ა ხ დ ე მ ბ ი ( ხ ა რ ჯ ე მ ბ ი )

ოზურგეთის მუნიციპალიტეტის 2013 წლის ბიუჯეტით გადასახდელების გეგმა დაზუსტების შემდეგ შეადგინა 28 022,5 ათ.ლარს (იხ.დანართი 3). საკასო ხარჯებმა 2014 წლის 1 იანვრის მდგომარეობით შეადგინა 22 093,4 ათ.ლარი წლიური გეგმის 78,8 %, მათ შორის:

- წარმომადგენლობითი და აღმასრულებელი ორგანოების ხარჯებმა შეადგინა 98,0 % (გეგმა 3517,9 ათ.ლარი და შესრულება 3450,4 ათ.ლარი)

- სახანძრო-სამაშველო სამსახურის ხარჯებმა შეადგინა 91,4% ( წლიური გეგმა 282,6 ათ.ლარი, შესრულება 255,6 ათ.ლარი)

- თავდაცვის ღონისძიებების დაფინანსებამ შეადგინა 93,2 % ( წლიური გეგმა 145,5 ათ.ლარი ფაქტიური შესრულება 135,7 ათ.ლარი)

- ინფრასტრუქტურის მშენებლობა, რეაბილიტაცია და ექსპლოატაციის დაფინანსებამ შეადგინა 69,1 % (წლიური გეგმა 18535,9 ათ.ლარი ფაქტიური შესრულება 12815,8 ათ.ლარი)

- საგანმანათლებლო ღონისძიებების დაფინანსებამ შეადგინა 100% ( წლიური გეგმა 1622,7 ათ.ლარი ფაქტიური შესრულება 1622,5 ათ.ლარი)

- სპორტული და კულტურული ღონისძიებების დაფინანსებამ შეადგინა 98,6 % ( წლიური გეგმა 2492,7 ათ.ლარი ფაქტიური შესრულება 2458,9 ათ.ლარი)

- სოციალური და ჯანდაცვის პროგრამების დაფინანსებამ შეადგინა 95,0 % ( წლიური გეგმა 1425,2 ათ.ლარი ფაქტიური შესრულება 1354,5 ათ.ლარი)

- 2013 წელში სარეზერვო ფონდის ხარჯებმა შეადგინა 190,7 ათ.ლარი (დანართი №4)

- 2014 წლის 1 იანვრის მდგომარეობით ანგარიშსწორების ანგარიშზე ირიცხება 5127,4 ათ.ლარი

საფინანსო-საბიუჯეტო სამსახური უფროსის მოვალეობის შემსრულებელი:

ა.აგურიძე



# გაზეთ „ალიონს“ სურსათის ეროვნული სააგენტო პასუხობს:

ეროვნულ სააგენტოს დაგეგმილი აქვს სერომონიტორინგის ჩატარება ყველა სოფელში ( ეს არის სისხლის ნიმუშების კვლევა). ბრუცელოზზე სხვა პროფილაქტიკის პრაქტიკა მსოფლიოში არ არსებობს.

რაც შეეხება გარევაჭრობას, ეს განლავეთ სამართალდარღვევა, ანუ გარევაჭრობა აკრძალულია და რეაგირება სამართალდამცავების პრეროგატივაა. მოსახლეობის ინფორმირებას რაც შეეხება, ნებისმიერმა ადამიანმა უნდა იცოდეს, რომ ქუჩაში არ შეიძინოს სურსათი. მოწამვლის, ან დაავადების შემთხვევაში მომხმარებელი დაუცველი აღმოჩნდება. საუკეთესო გამოსავალია, არ შეიძინოს, მით უმეტეს მაღალი რისკის სურსათი გარევაჭრობის

ადგილებში! “  
**საზოგადოებასთან ურთიერთობის სამმართველო.**“  
სოფლის მეურნეობის სამინისტროს ლაბორატორიის ოზურგეთის საველე სადგურის უფროსის ზურაბ ფხალაძის თქმით, წელს ბრუცელოზის შემთხვევებმა იკლო, თუმცა ფაქტები ფიქსირდება. მოსახლეობაც პასიურობს. ისინი იმ შემთხვევაში აკითხავენ ლაბორატორიას, როცა პრობლემა აქვთ.  
გაზეთ „ალიონის“ ინფორმაციით, ბრუცელოზის შემთხვევები მუნიციპალიტეტის მთისძირა სოფლებში (შემოქმედი, ცხემლისხიდი, ვაკიჯვარი, ბახვი) დაფიქსირდა.

# ნიკუშა მახარაძის გახსენება

ნიკა, ნიკუშა!  
ექვსი წლის წინათ ამ სახელის მიღმა სიცოცხლით სავსე მშვენიერი ვაჟაკი იდგა, დედ-მამის, ოჯახის იმედი და მომავალი, თავდაც ვაჟაკების მამა, კარგი მუშა, მოსიყვარულე მამა, უებრო ბიძა.



დაბადების დღეს გილოცავთ შვილო! 45 წლის ვაჟაკო... წლებმა უშენობა კი არ შეგვიძისუბუქა, პირიქით, აუტანელი გახდა. შენი არყოფნა ჩვენი მძიმე ტვირთია, ძნელად სატარებელი.  
დღე ღამე იქცა. 6 წლის მწუხარება შენი ოჯახი. უნუგემო დედა, გლოვით სულმეძრული მამა, მწუხარებაში მყოფი მეუღლე... და კვალი ნათელი, რაც შენგან დაგვრჩა— შენი თბილები ბათურა და საბა! საბა 10 წლისაა, მამა ენატრება, ხშირად თვალტრემლიანია.  
2 მაისს 45 წლის გახდებოდი. უფალმა ინება, იქ, ზეციურ

სასუფეველში იხეიბო ვაჟაკური ასაკი.

ახლაც მოვედით შენს მარადიულ სამოყვებლთან, შენს სამარეს ჩვეულებით. იქნებ ახლა მანც მარტობინო ტველებურად უსიტყვოდ გამხელილი სიყვარული, ამ დღეს ხომ შენი ამქვეყნად მოუღებინა დედა.

დაბადების დღეს გილოცავთ, ჩვენო ნიკუშა!


შენი ოჯახი.

# „მერცხალა“ ფინიში გლომარეობა გამოსწორა

## ნუგზარ ასათიანი

გუშინ, ბოლოსწინა ტურში ოზურგეთის „მერცხალი“ თერჯოლის „საბუნჯელას“ შეხვდა.

ორი ტურის წინ კი „მერცხალს“ 14 ქულა ჰქონდა და სტუმრთა ცხრილში თელავის „კანეთთან“ ერთად მე-12 მე-13 ადგილს იყოფდა. მაგრამ „მერცხალმა“ ბოლო ორ შეხვედრაში ქულების მაქსიმუმი (6 ქულა) მოიპოვა და 20 ქულით (6 მოგება, 2 ფრე, 14 წაგება, ბურთები შეფარდება 23-48) მე-9 ადგილზე გადაინაცვლა.



„მერცხალმა“

ზონის გათამაშების ლიდერთან, ქობულეთის „მუქურასთან“ საშინაო მატჩში მართალია თავდაპირველად სტუმრები დაწინაურდნენ (24 წუთზე გოლი გიორგი ჩელვაძემ გაიტანა), მაგრამ 61-ე წუთზე ზაზა სურციქემ ანგარიში გაათანაბრა, ხოლო 75-ე წუთზე ქუთაისელი არბიტრის, კოკა ჭაჭუას მიერ სტუმრთა კარში დანიშნული 11-მეტრიანი ნიკოლოზ ხინთიბიძემ უნაკლოდ შესრულა—2:1.

ეს მატჩი 97 წუთის განმავლობაში მიმდინარეობდა და „მერცხალმა“ შესძლო მისი გამარჯვებამდე მიყვანა.

30 აპრილს „მერცხალი“ ხარაგოულში ჩავიდა. მძევის სოსო და მურთაზ აბაშიძეების სახელობის „ჩხერიმელას“ სტადიონზე საინტერესო მატჩის მოწმენი გავხდით. ეს იყო უხვევლიანი მატჩი, სადაც მსაჯს, გორელ ზენა გვინიძეს არცერთი გუნდის ფეხბურთელისთვის ცხელი ბარათის აძოვება არ დასჭირვებია.

„ჩხერიმელა“ ძირითადად ქუთაისის „ტორპედოს“ ფეხბურთელებითაა დაკომპლექტებული და საკმაოდ კარგად გამოიღის ამ ჩემპიონატზე.

ანგარიში 25-ე წუთზე სტუმრებმა (ჩიგოგიძე) გახსნეს. ამის შემდეგ პირველი გოლის ავტორს შეეძლო ანგარიშის გაზრდა, თუმცა სტუმრების შეცდომებით კარგად ისარგებლეს მასპინძლებმა და 27-ე და 28-ე წუთებზე ზედიზედ ორი გოლი (ჭიკაიძე, ხარაბაძე) გაიტანეს სტუმრების კარში. 2:1 დაწინაურდა „ჩხერიმელა“.

37-ე წუთზე სერგო ჩიგოგიძემ რამდენიმე საოცრე მომენტოდან ერთი გამოიყენა და ანგარიში გაათანაბრა—2:2.

მეორე ტაიმის 52-ე წუთზე გიორგი ვაშაყიძემ „მერცხალი“ დაწინაურა, 3:2, რასაც 8 წუთის შემდეგ დავით პეტრუას საპასუხო გოლი მოჰყვა 3:3.

გამარჯვების გოლი ვაშაყიძემ გაიტანა და 4:3, გამარჯვა

„მერცხალმა“  
—„მერცხალი“ ასეთივე უშეღავათო ბრძოლას გამართავს 4 მაისს, საშინაო მატჩში თერჯოლის „საბუნჯელასთან“. ჩვენ დასახულ მიზანს მივაღწევთ —გვიტანა შეხვედრის შემდეგ გუნდის მთავარმა მწვრთნელმა ხარიტონ ჩხატარაშვილმა. თერჯოლებმა იმ დღეს „კანეთი“ დაამარცხეს 2:1 და 40 ქულით მე-5 ადგილზე იმყოფებოდნენ.

მართლაც „მერცხალმა“ პროგრამა მაქსიმუმი შესრულა და შეძლო „საბუნჯელას“ დამარცხება 4:2.

პირველი გოლი ნიკოლოზ ხინთიბიძემ გაიტანა, რასაც სტუმრების საპასუხო გოლი მოჰყვა. შემდეგ მასპინძლები დაწინაურდნენ 4:1 (გოლები ზოიძე, ხინთიბიძე, ჩიგოგიძე).

მატჩის მიწურულს ოზურგელებმა ხელით ითამაშეს და პენალტი თერჯოლებმა დიმიტრი არეშიძემ დაარტყა. 4: 2 ასე დაფიქსირდა საბოლოო ანგარიში და „მერცხალმა“ 23 ქულა დაგროვა.


არასპორტული საქციელისთვის პირველი ტაიმის მიწურულს ოზურგეთელი ირაკლი ბაგელიძე და თერჯოლელი ფეხბურთელი მსაჯმა ირაკლი კვიციანიშვილმა მოედინდნ გააძევა.

თუ რომელ ადგილს დაიკავებს „მერცხალი“ (სავარაუდოდ VIII-X ადგილი) ამას ბოლო ტურის შედეგები გვიჩვენებს.

ბოლო მატჩს „მერცხალი“ სტუმრად „ალეკთთან“ გამართავს.

# შოთა შავიუვილი

40 ტკივილიანი დღე გავიდა უშენოდ ჩვენო ძვირფასო მეგობარო. ცრემლითა და დარდით ვიგონებთ შენთან ერთად გატარებულ ყოველ წუთს. ნაადრევად დაგვტოვე და ყველას დიდი სიკარბილე და გვიტოვე სულში: ოჯახს, ნათესავებს, მეგობრებს. ვერასოდეს წარმოვიდგენდით, თუ ასე ძნელი იქნებოდა უშენოდ ცხოვრება. შენ ხომ დიდებული მეგობარი, მამა და ადამიანი იყავი.



ბედნიერებაა შენნაირი ერთგული და საიმედო მეგობრის გვერდით ცხოვრება, მისი იმედი სირთულეებით აღსავსე ცხოვრების გზაზე, ხოლო დაკარგვა ის დიდი სიკარბი-

ლეა, რასაც ვერაფერი შეაყვებს. ჩვენ მუდამ ვილოცებთ შენი ლამაზი სულისთვის. ღმერთმა სასუფეველი დაგვიმკვიდროს და მსუბუქი ყოფილიყოს შენზე დაყრილი მიწა.  
**როზმარტ გომთა.**

# გზია (ინდიკა) გუნთაიუვილი

კვლავ მოვიდა შენი დაბადების დღე—5 მაისი. როგორ გიყვარდა ვარდობის თვე, მაგრამ ახლა ცივ სამარეში ხვდები 45-ე დაბადების დღეს.



ლათიურის საშუალო სკოლაში სწავლობდი. 1986 წლის გამოშვება იყავი. შემდეგ საბუნჯელაში აღრიცხვისა და საბუნჯელაში კურსები დაამთავრე. შემდეგ— გონიოს შოთა ფუტყარაძის სახელობის ინსტიტუტის ოურიდიული ფაკულტეტი.

შენი სამუშაო ბიოგრაფია მედიცინის მუშაკთა სახლთანაა დაკავშირებული. დირექტორის მოადგილე მუშაობდი და შენი სპეციალობით მუშაობისთვის ეწვედი-დი.

შენი სამუშაო ბიოგრაფია მედიცინის მუშაკთა სახლთანაა დაკავშირებული. დირექტორის მოადგილე მუშაობდი და შენი სპეციალობით მუშაობისთვის ეწვედი-დი.

არაა ცხოვრება ისე მოწყობილი, როგორც გვმავ ვერ შენი და ხათუნა 35 წლის ასაკში გარდაიცვალა, შემდეგ კი შენც დავ-

შენი დედა.

## იხილეთ

**ახალი ხის სახლი 10X12, ალუმიინის სახურავით.**  
**ფასი შთაინახებით.**  
**დაგვიკავშირდით**  
**(591) 91 77 16.**

# ხსოვნის ტურნირები

12 მოჭადრაკე მონაწილეობდა ტურნირში, რომელიც ოზურგეთის საჭადრაკო კლუბში გაიმართა.



რეზო ჭყონია, გრიგოლ კალანდარიანი, თამაზ სალუქვაძე, ვაჟა ჭანუყვაძე, შარშან ტრაგიკულაძე და ალექსანდრე ხვედელიძე კიდევ არაერთ გარდაცვლილ მოჭადრაკეთა ხსოვნას მიეძღვნა ეს ტურნირი.

ძირითადი ბრძოლა მანც ახალგაზრდულ ჯგუფში, გურიის ჩემპიონებსა და ვიცე-ჩემპიონს (მინდია ჩხიკვიშვილი, დათო ცეცხლაძე, გიორგი გოგოლაური) გაიმართა. გამარჯვების დიდი შანსი ჰქონდა ოზურგეთის ჩემპიონს ელგუჯა ურუშაძესაც, მაგრამ ბოლო ტურში მინდია ჩხიკვიშვილთან წააგო და IV ადგილზე გავიდა.

საბოლოოდ, ტურნირის გამარჯვებული მინდია ჩხიკვიშვილი გახდა—9,5 ქულა; II-III ადგილებზე 9-9 ქულით დავით ცეცხლაძე და გიორგი გოგოლაური გავიდნენ.

გამარჯვებულს და პრიზორებს გურიის ჭადრაკის ფედერაციის აღმასრულებელმა დირექტორმა ზურაბ ანდლუაძემ შესაბამისი ხარისხის დიპლომები და პრიზები გადასცა

# ბაქოში, „ალიევის გრან-პრიმ“



ქ. ბაქოში ჩატარდა „ალიევის გრან-პრიმ“, საერთაშორისო ტურნირი ბერძნულ-რომაულ ჭიდაობაში ახალგაზრდებსა და ჯაბუკებს შორის. მონაწილეობდნენ აზერბაიჯანის, თურქეთის, უნგრეთის, ყაზახეთის, ყირგიზეთის, უზბეკეთის, ფინეთისა და საქართველოს ნაკრები გუნდები.

საქართველოს ნაკრებმა მოიპოვა 3 ვერცხლისა და 6 ბრინჯაოს მედალი, აქედან ოზურგეთის სასპორტო სკოლის აღსაზრდელებმა, „ლიხაურის ფილიალის“ მოჭიდავეებმა მოიპოვეს 3 მედალი.

120 კგ. წონით კატეგორიაში II ადგილი დაიკავა სამუჟა დარჩიამ; 42 და 54 კგ. წონით კატეგორიებში III ადგილები დაიკავეს ირაკლი დიმიტარაშვილმა და რომან ლომაძემ. (მწვრთნელი ალ. ბოლქვაძე).

რედაქციის მისამართი: ქ. ოზურგეთი, გაბრიელ ეპისკოპოსის ქ.№1. ტელ: 558 499 100 გაზეთი რეგისტრირებულია ოზურგეთის რაიონულ სასამართლოში 18. 11. 2004 №44/4-311

რედაქციური ნუგზარ ასათიანი ელ. ფოსტა: nugzarasatiani@rambler.ru

კომპიუტერული უზრუნველყოფა ბიან გომომლაძე